

DEKRETU-LEI NO. 32/2009

Loron 25 Novembru nian

**REJIME BA PROMOSAUN OFISIÁL JENERÁL SIRA HO TITULÁR BA KARGU
AAS MILITÁR NIAN**

Ho konsiderasaun katak artigu 9 husi Estatutu Orgániku Forças Armadas de Timor-Leste nian, FALINTIL-FDTL, aprovađu liu husi Dekretu-Lei no. 18/2006, loron 8 Novembru, kontempla figura Vise-Xefe Estadu-Maiór Jenerál Forsas Armadas nu'udár kolaboradór imediatu ba Xefe Estadu-Maiór Jenerál Forsas Armadas, ema ne'e devesér ofisiál jenerál ida;

Ho konsiderasaun katak artigu 27 husi Rejime Promosaun Militar, aprovađu liu husi Dekretu-Lei no. 18/2006 loron 8 Novembru, kontempla kompeténsia atu halo nomeasaun Xefe no Vise-Xefe Estadu-Maiór Forsas Armadas nian, ho konkordánsia ho artigu 8 ho 9 husi estatutu F-FDTL nian;

Ho konsiderasaun katak no. 2 husi artigu 2 Dekretu-Lei no. 18/2006 loron 8 Novembru determina, katak promosaun sira ba ofisiál jenerál, nomeasaun ho ezonerasaun Xefe Estadu-Maiór Jenerál Forsas Armadas nian, Vise-Xefe Estadu-Maiór Jenerál Forsas Armadas nian, no Komandante sira Komponente nian, sei regula husi dispozisaun espesial,

Importante atu institui rejime jurídiku ida ne'ebé permite atu halo promosaun ba ofisiál jenerál ho ofisiais jenerais, ofisiál sira F-FDTL nian, hodi determina ba sé mak sei kaer kompeténsia ne'e, antes ida ne'e, importante atu determina modalidade saida mak nesesáriu ba promosaun ho rekezitu pesoál, nune'e mós prosedimentu adekuađu ida ba ida ne'e.

Nune'e nesesáriu mós atu dezenvolve rejime nomeasaun ho ezonerasaun ida ba Xefe Estadu-Maiór Jenerál Forsas Armadas (CEMGFA) nian, ba Komandante sira Komponente nian, ho Xefe Estadu-Maiór Forsas Armadas nian.

Nune'e,

Governu dekreta, ho abrigu husi no. 3, artigu 115 Konstituisaun da Repúblika nian, atu vale nu'udár lei, hanesan tuir mai:

Artigu 1

Kompeténsia atu halo Promosaun ba ofisiál jenerál ho ofisiais jenerais sira

Prezidente da Repúblika mak iha kompeténsia eksklusiva atu halo promosaun ba militar F-FDTL nian, ba postu ofisiál jenerál ho ofisiais jenerais sira, ho proposta husi Konsellu Ministru.

Artigu 2

Rejime tranzitóriu promosaun jeral nian

1. Rejime ida ne'e konstitui rejime tranzitóriu promosaun nian ba postu ofisiál jenerál ho ofisiais jenerais atu vigora enkuantu seidauk halo revizaun jerál ba rejime promosaun militar nian.
2. Promosaun ba ofisiál jenerál ho ofisiais jenerais, konforme previstu iha no. 2 husi artigu 2 Dekretu-Lei no. 18/2006 lora 8 Novembru, bele, ho adaptasaun sira ne'ebé nesesária, halo tuir kualkér modalidade ne'ebé fó-sai iha artigu 7 husi diploma hanesan, ho exepasaun ba promosaun husi antigidade.
3. Proposta Konsellu Ministru nian konsiste ho deznasaun, fundamentada, ba ofisiál ida, entre sira ne'ebé mak membru Governu responsavel ba área Defeza indika.
4. Membru Governu responsavel ba área Defeza so bele inklui iha lista ofisiál sira ne'ebé mak iha duni possibilidade atu hetan promosaun, ofisiál sira ne'ebé mak hetan satisfasaun ba kondisaun jerál ho espesiál atu iha asesu ba postu jenerál nian, tuir termu husi número sira ne'ebé tuir mai.
5. Konsidera nu'udar kondisaun jerál hanesan tuir mai:
 - a) Kumprimentu ba devér sira militar nian;
 - b) Kurrikulu exelente hanesan militar, ne'ebé hatudu mós ezersísiu ho efisiénsia i efikásia ba funsaun sira iha nia postu;
 - c) Kualidade no kapasidade pesoál, intelektuál ho profisionál, ne'ebé postu imediatu ne'e rekere, hodi hatudu, integridade, karakter, kualidade servisu nian ho aseitabilidade husi ninia pár sira.
6. Konstitui nu'udar kondisaun espesiál asesu nian hanesan tuir mai:
 - a) Temp mínimu tinan ida iha postu koronél, iha modalidade promosaun husi eskolla ho nomeasaun;
 - b) Akaba tiha ona, ho aproveitamentu, kursu jenerál nian iha Timor-Lesta ka iha país ida ne'ebé eziste relasaun kooperasaun técnico-militar, menus buat ne'ebé dispostu iha no. 3 artigu 11 husi Dekretu-Lei No. 18/2006 lora 8 Novembru.
 - c) Experiénsia nu'udar ofisiál nomeadu ba ezersísiu ho relevánsia ba kargu, misaun ho servisu oiain;
 - d) Kaer medalla sira ne'ebé atribuidu tanba méritu ho bravura pesoál;
 - e) Kaer grau akadémiku, ne'ebé bele valoriza ho orden konforme ninia importánsia.

7. Laiha verifikasaun ba kondisaun jerál sira ne'e konstitui motivu atu la inklui iha lista ofisiál sira nian, tuir termu artigu 4, ho motivu seluk tan atu la inklui iha lista maka, laiha verifikasaun ba kondisaun espesiál asesu nian, ne'ebé indikadu iha alínea a) ho b) husi no. 6, hodi konstitui nu'udár kondisaun espesiál seluk tan maka elementusira valorizasaun ho fundamentasaun ba desizaun nian.

Artigu 3

Nomeasaun ho Ezonerasaun Xefe ho Vise-Xefe Estadu-Maiór Jenerál Forsas Armadas nian

1. CEMGFA ne'e ofisiál jenerál ida nomeadu ho ezoneradu husi Prezidente da Repúblika, ho proposta husi Governu, hafoin iha audisaun ho Konsellu Superiór de Defeza Militar ho Konsellu Superiór de Defeza i Seguransa, liu husi membru Governu ne'ebé kaer matéria Defeza Nasionál nian.
2. Vise-CEMGFA ne'e nomeadu ho ezoneradu husi Prezidente da Repúblika, ho proposta husi Governu, hafoin rona uluk CEMGFA.

Artigu 4

Nomeasaun no Ezonerasaun ba Komandante sira Komponente nian ho Xefe Estadu-Maiór

Komandante sira komponente nian ho Xefe Estadu-Maiór F-FDTL nian nomeadu ho ezoneradu husi membru Governu ne'ebé iha kompeténsia ba área Defeza Nasionál nian, ho proposta husi CEMGFA, hafoin rona uluk Konsellu Superiór de Defeza Militar.

Artigu 5

Integrasaun lakuna sira nian

Kabe ba membru Governu responsavel ba área defeza nian atu halo integrasaun ba lakuna ho ba regulamentu sira ne'ebé nesesária ba implementasaun diploma ida ne'e.

Artigu 6

Entrada iha vigór

Dekretu-Lei ida ne'e tama iha vigór iha kedas lora ne'ebé nia publika iha Jornál da Repúblika.

Artigu 7

Norma revogatória

Revogadu hotu dispozisaun sira ne'ebé mak kontraria diploma ida ne'e.

Aprovadu iha Konsellu Ministru lora 16 fulan Setembru 2009.

Primeru Ministru,

Kay Rala Xanana Gusmão

Ministru da Defeza ho Seguransa,

Kay Rala Xanana Gusmão

Promulgadu iha 19/11/09

Publikadu.

Prezidente da Repúblika,

José Ramos-Horta

UNOFFICIAL TRANSLATION